

Kiloyo Othintekako

I-Southern Africa Labour Development Research Unit (SALDRU) e-University of Cape Town ithome ihlolombono yesitjhaba etjha, ebizwa nge-**National Income Dynamics Study (NIDS)**. Ihlolombono le izakuphenya ngamandla wokuphila eSewula Afrika, ihloso kube kuzwisisa ngcono ukuphila kuhle kwamaSewula Afrika, izakhiwo zamakhaya wawo kanye nokuthi lokhu kutjhuguluka njani ngokukhamba kwesikhathi. Ngokukhambisana neenhloso lezi sibawa umuntu omdala ofaneleko ekhaya bona aphenyule iphephamibuzo elibuza ngabahlali namanye amalunga. Sizakubawa omunye nomunye umhlali ongaphezu kweminyaka yobudala eli-15 ukuphendula iphephamibuzo begodu umbelethi namkha umnikelithogomelo aphenyule iphephamibuzo elifitjhani ngomunye nomunye umntwana ongekheya. Hlangana nokhunye sizakubuza ngokobana amanye amalunga wekhaya athuthe ukusuka kuphi, izinga lawo lezefundo, ubujamo bawo bezokusebenza, zamaphilo wawo kanye nengeniso yawo, ukusetjenziswa kweemali nepahla ngekheya. Sizakulinganisa ubude, ubudisi negandelelo leengazi labo boke abahlali begodu sibanikele ikarada elinelwazi leli.


Ngo-2008 amakhaya emphakathini wakho azakuba yingcenywe yamakhaya pheze azi-8 000 begodu pheze abantu abazi-32 000 iSewula Afrika yoke kuzakhulunywana nabo. Umsebenzi wangaphandle wephenyo uzakuthoma nasele kuyiwa ekupheleni kwakaMeyi 2008. Sizakuthintana nawe ngemva kwephenyo ngombana singathanda ukukhulumisana nawe godu eminyakeni emibili begodu nangomuso. Amavakatjho wokubuyelela asikghonakalisa ukubona bona ubujamo bakho butjhuguluka njani ngokukhamba kwesikhathi. Lokha nasihlanganisa ilwazi lakho nalelo lamanye amakhaya sikghona ukubona bonyana khuyini okurhelebha amaSewuyla Afrika bona aphumelele begodu nokuthi khuyini okuwaliya ngakwezomnotho.

Iinarha ezinengi ezisathuthukako nezithuthukileko zineenhlokomibono ezifana nale ngombana irhelebha ekwenziweni kwemithethomgomo. Kodwana leli liphenyo lokuthoma lalomhlobo eSewula Afrika. Ngakho-ke lokhu kuthoma kwento ekarisako neqakatheke khulu. Ikhaya lakho likhethwe ngokwesayensi bona libe sesampuleni yamakhaya. Ngakho-ke ukuzibandakanya kwakho kuqakathekile begodu kuzakuthatjelwa khulu.

I-Development Research Africa (DRA) ikhethwe bona yenzele i-NIDS umsebenzi wangaphandle. Godu sivumela sitjho bona irhelebho lakho nokubambisana ekuqinisekiseni ukuphethwa ngepumbelelo komsebenzi wangaphandle ephenyweni eliqakatheke khulu leli kuthatjelwa khulu.

Nawungafuna ilwazi elinabileko ngephenyo leli ungathintana nomphathi wephrojekthi ye-NIDS, uMma Sihaam Nieftagodien, enomborweni ethi 0800 11 NIDS (6437) namkha uNomzana David Scott kwa-DRA enomborweni ethi 011 807 1194 namkha vakatjhela iwebhsayithi ku-<http://www.nids.uct.ac.za>.

Sikufisela okuhle



Prof Murray Leibbrandt
UmNqophisi we-SALDRU nomPhenyi omKhulu we-NIDS